



Iholide kaAlina

Sponono Mahlangu

Khanyisa Masemola






Kwidolophu endihlala kuyo kwakukho umama
owayesisityebi ekwakusithiwa nguAlina.

UAlina wayehlala kwipomakazi lendlu elihle.

Wayengonwabanga nangona
wayenempumelelo.



Ngenye imini wayehambahamba kwipomakazi elo lakhe.


Wancuma akufikelwa zezi ngcinga,
“Ndingathanda ukudibana nabantu abatsha.
Mhlawumbi ndakudibana nabantu abanjalo xa
ndiye eholideyini. Mhlawumbi ndingadibana
nomntu okhethekileyo.”



UAlina walungiselela iholideyi kwelona nxweme
lihle lolwandle kwelo lizwe.

Wayenemincili mhla kwafika usuku lwakhe
lokuhamba.

Wafika wahlala ngokukhawuleza kwihotele
ayikhethileyo ukuze onwabele utyelelo lwakhe
kule ndawo intle kangaka.




UAlina wayengqengqa elunxwemeni aphumle. Wayebukela abantu ababezihambela bemngqongile. Ngokukhawuleza wabona indoda ihamba nabantwana ababini.

Olu sapho lwalungakhangeleki ngokungathi lonwabile. Bonke babekhangeleka bengonwabanga. Abantwana babezidlalela ngokuthe cwaka.



UAlina wacinga, “Ndimangalisiwe ukuba kutheni belusizi nje nangona besendaweni entle kangaka?”

Ekuhambeni kwemini wayequbha edamini lehotele leyo ngeli xesha nabantwana bale ndoda bafikayo nabo bezokuqubha. UAlina waba nomdla waza waqalisa ukuncokola nabo.



Amagama aba bantwana yayinguKaremba noKazungu. Baxelela uAlina ukuba leyo yayiyiholide yabo yokuqala oko waswelekayo umama wabo.


Akudibana noyise wabo uAlina, wayibona intlungu kunye nokulahlekelwa emehlweni ale ndoda. Igama layo yayinguClemens.



UClemens, uAlina naba bantwana
ngokukhawuleza balichitha kunye ixesha.

UKaremba noKazungu bakonwabela ukudlala
noAlina kolo nxweme.

UAlina wabafundisa ukuluka iibhaskiti
ngamagqabi omthi wesundu, wabafundisa
indlela yokwenza iinqaba ngesanti.



Iintsuku zidlula bonke bonwabile kwelo langa.

UAlina wayengasafuni ukubuyela
esithukuthezini sepomakazi lakhe.


“Iholideyi yam iyaphela. Mhlawumbi ukuba
ndingongezelela iintsuku zam zokuhlala apha,
andinakuziva ndinxunguphele kangaka,” watsho
emangalisiwe uAlina.



Ngobo busuku uAlina weva kunkqonkqozwa kancinci elucangweni lwakhe. Xa wayevula umnyango, wabona uKarembo noKazungu bemi emnyango.

Bathetha ngaxeshanye bathi, “Sifuna ube ngumama wethu!”

UAlina wayengazi ukuba angabaphendula njani na.




Emva kokuba bethethile, uAlina wangena egumbini lakhe lokulala. Ukubona abantwana bakhe bonwabile noAlina kwamenza wancuma uClemens.

Wabanga ebagona abantwana uAlina esithi zebalale kamnandi. UAlina wazixelela wathi, “Ndidibene nabantu abathathu abakhethekileyo.”



Kusasa uAlina wahamba wayokudla isidlo sakusasa noClemens nabantwana bakhe. UKaremba noKazungu babanethemba elikhulu kuAlina ngeli xesha wayehlala nabo phantsi.

“Ingaba ikhona into eyenzekayo?” wabuza uClemens encumile ejonge inkangeleko yobuso babantwana bakhe.



Emva konyaka omnye, uAlina noClemens babesele betshatile!

Qho ngonyaka olu sapho belutyelela kolwaa nxweme luhle bevuyisana nokuhlangana kwabo kwisihlandlo sokuqala.

Babedlala emanzini besenza iinqaba ngesanti njengoko babezenza ukuqala kwabo ukuhlangana.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Iholide kaAlina

Author/s: Sponono Mahlangu

Translator/s: Pretty Neliswa Magangxa

Illustrator/s: Khanyisa Masemola

Assurer/s: Angelinah Dazela

Language: isiXhosa



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

